

Adnan Drndić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Adnan Drndić
Naziv Teme	Uloga nevladinog sektora u sprečavanju prosjačenja na području Tuzlanskog kantona
Rezime/Abstract	<p>Istraživanje na temu „Uloga nevladinog sektora u sprečavanju prosjačenja na području Tuzlanskog kantona“ je imalo za cilj istražiti, analizirati i utvrditi ulogu nevladinog sektora u sprečavanju prosjačenja, analiziranjem usluga koje nevladin sektor pruža žrtvama prosjačenja u smislu kvantiteta, iz ugla nevladinog sektora i kvaliteta, iz ugla lica uključenih u prosjačenje. Istraživanje je također bilo usmjereno na utvrđivanje značaja asistencije koju nevladin sektor pruža vladinom sektoru i svim slojevima sprečavanja prosjačenja. Akcenat je stavljen na značaj prevencije prosjačenja koju nevladin sektor provodi u cilju informisanja javnosti o obimu prisutnosti i ekspanziji prosjačenja koja „inficira“ najranjivije kategorije našeg društva. Empirijski dio istraživanja je realiziran na području Tuzlanskog kantona koji obuhvata trinaest općina u vremenskom periodu decembar 2017. - januar 2018.godine. U cilju dobijanja što preciznijih podataka za potrebe istraživanja razvijena su tri odvojena instrumenta prilagođena troslojnom uzorku istraživanja. Poseban instrument razvijen je za provedbu istraživanja unutar vladinog sektora, drugi za provedbu istraživanja unutar nevladinog sektora i treći prilagođen za lica koja su uključena u prosjačenje. Istraživanje je obuhvatilo ukupno 60 učesnika, 10 profesionalca iz nevladinog sektora, 30 profesionalca iz vladinog sektora i 20 lica uključenih u prosjačenje od toga 10 djece i 10 odraslih. Unutar nevladinog sektora locirano je pet organizacija koje svojim direktnim ili indirektnim aktivnostima rade na sprečavanju prosjačenja na području Tuzlanskog kantona (Udruženje „Zemlja djece u BiH“, Udruženje Roma „Euro Rom“ Tuzla, Udruženje žena Romkinja „Bolja budućnost“ Tuzla, Udruženje građana za promociju i obrazovanje Roma „Otaharin“ Bijeljina i Vaša prava BiH). Unutar vladinog sektora istraživanjem smo obuhvatili ne samo ustanove nego kantonalne i državne institucije koje koje se nalaze u lancu borbe protiv prosjačenja. Obuhvaćene institucije: Ministarstvo sigurnosti BiH, Odsjek za borbu protiv trgovine ljudima, Ministarstvo za ljudska prava i izbjeglice BiH, Ministarstvo unutrašnjih poslova Tuzlanskog kantona, Odjel za organizovani kriminal, Ministarstvo za rad, socijalnu politiku i povratak Tuzlanskog kantona, Kantonalno tužilaštvo Tuzlanskog kantona. Obuhvaćene ustanove koje su direktno uključene u sprečavanje prosjačenja: Prihvatilište za djecu bez adekvatnog roditeljskog staranja, 13 Centara za socijalni rad koji pokrivaju kompletno područje Tuzlanskog kantona. Istraživanjem su obuhvaćene i 8 policijskih stanica (PS Tuzla Zapad, PS Živinice, PS Banovići, PS Srebrenik, PS Gračanica, PS Lukavac, PS Gradačac i PS Kalesija) na čijem području su evidentirani slučajevi prosjačenja. Treći dio istraživanja obuhvatio je lica uključena u prosjačenje, 10 odraslih lica starosti od 19 - 51 godina i deset djece koja su kontinuirano ili privremno uključena u prosjačenje uzrasta od 7 - 15 godina. U analizi empirijskih rezultata istraživanja korištene su matematičke i statističke metode, analize su izvođene uz pomoć statističkog paketa za analizu podataka (Microsoft Office Excel 2007). Rezultati istraživanja su pokazali da je nevladin sektor snažna karika u lancu sprečavanja prosjačenja koja se vladinom sektor nametnula kao „servis provajder“, na čiju podršku vladin sektor računa i značajno se oslanja. Međutim, finansiranje aktivnosti na sprečavanju prosjačenja koje provodi nevladin sektor prisilno je u potpunosti orijentiran prema donatorima izvan granica Bosne i Hercegovine, koji svakog trenutka mogu uticati na promjenu strateških pravaca njihovog djelovanja. Kada govorimo o licima uključenim u prosjačenje, istraživanje je pokazalo da se isti u velikoj mjeri oslanjaju na nevladin sektor te ga prepoznaju kao izvor mogućnost materijalnog obezbjeđenja te partnera koji će ih zaštititi i pomoći im da ostvare svoja prava.</p>
Datum	28.09.2018
Predsjednik	dr sc. Nijaz Karić, redovni profesor za užu naučnu oblast "Socijalni rad i socijalna politika" na Filozofskom fakultetu Univerziteta u Tuzli
Mentor	dr sc. Hariz Šarić, redovni profesor za užu naučnu oblast "Socijalni rad i socijalna politika" na Filozofskom fakultetu Univerziteta u Tuzli
Član komisije	dr sc. Erna Lučić, docent za užu naučnu oblast „Teorija i metodologija socijalnog rada“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	dr sc. Asim Pandžić, docent za užu naučnu oblast „Socijalna politika, zaštita, sigurnost, rehabilitacija i menadžment“ na Filozofskom fakultetu Univerziteta u Tuzli
Dodatni detalji i lokacija	Javna odbrana završnog magistarskog rada obaviti će se 28.09.2018. godine u 10:00 sati na Filozofskom fakultetu Univerziteta u Tuzli
Završne Odredbe	Prístup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.